

"Қазақстан Республикасының кейбір заң актілеріне сыныптық шен, әскери және арнаулы атақтар беру, әскери қызметшілердің және өзге де мемлекеттік органдар қызметкерлерінің нысанды киім киіп жүру құқығы мәселелері бойынша толықтырулар мен өзгерістер енгізу туралы" Қазақстан Республикасы Заңының жобасы туралы

Қазақстан Республикасы Үкіметінің 2004 жылғы 16 қазандағы N 1065 Қаулысы

Ескерту. Заңның жобасы Қазақстан Республикасының Парламентінен кері қайтарып алынды - ҚР Үкіметінің 2007.12.10. N 1207 Қаулысымен.

Қазақстан Республикасының Үкіметі **ҚАУЛЫ ЕТЕДІ** :

"Қазақстан Республикасының кейбір заң актілеріне сыныптық шен, әскери және арнаулы атақтар беру, әскери қызметшілердің және өзге де мемлекеттік органдар қызметкерлерінің нысанды киім киіп жүру құқығы мәселелері бойынша толықтырулар мен өзгерістер енгізу туралы" Қазақстан Республикасы Заңының жобасы Қазақстан Республикасының Парламенті Мәжілісінің қарауына енгізілсін.

Қ а з а қ с т а н Р е с п у б л и к а с ы н ы ң

Премьер-министрі

жоба

**Қазақстан Республикасының
Заңы Қазақстан Республикасының кейбір заң актілеріне
сыныптық шен, әскери және арнаулы атақтар беру,
әскери қызметшілердің және өзге де мемлекеттік
органдар қызметкерлерінің нысанды киім киіп жүру
құқығы мәселелері бойынша толықтырулар мен
өзгерістер енгізу туралы**

1-бап. Қазақстан Республикасының мынадай заң актілеріне өзгерістер мен толықтырулар енгізілсін:

1. "Салық және бюджетке төленетін басқа да міндетті төлемдер туралы (Салық кодексі)" Қазақстан Республикасының 2001 жылғы 12 маусымдағы Кодексіне (Қазақстан Республикасы Парламентінің Жаршысы, 2001 ж., N 11-12, 168-құжат; 2002 ж., N 6, 73, 75-құжаттар; N 19-20, 171-құжат; 2003 ж., N 1-2, 6-құжат; N 4, 25-құжат; N 11, 56-құжат; N 15, 133, 139-құжаттар; N 21-22, 160-құжат; N 24, 178-құжат; 2004 ж., N 5, 30-құжат; 2004 жылғы "Егемен Қазақстан" және 2004 жылғы "Казахстанская правда" газеттерінде жарияланған "Қазақстан Республикасының кейбір заң актілеріне байланыс мәселелері бойынша өзгерістер мен толықтырулар енгізу туралы" Қазақстан

Республикасының 2004 жылғы 5 шілдедегі Заңы):

1) 144-бап мынадай мазмұндағы 6-1) тармақшамен толықтырылсын:

"6-1) осы баптың 6) тармақшасына сәйкес бұрын салық салуға жатпайтын, 2004 жылғы 1 мамырдан бастап әскери және арнаулы атақтар болу, нысанды киім киіп жүру құқығы жойылған адамдарға Қарулы Күштерде, басқа да әскерлер мен әскери құралымдарда, ішкі істер, ұлттық қауіпсіздік органдарында, қылмыстық-атқару жүйесі және мемлекеттік өртке қарсы қызмет органдары мен мекемелерінде қызметтік міндеттерді орындауға байланысты алынатын төлемдердің барлық түрлері;"

2) 316-баптың 1-тармағының бірінші абзацы "6)," деген саннан кейін "6-1)" деген санмен толықтырылсын.

2. Қазақстан Республикасының 2003 жылғы 5 сәуірдегі Кеден кодексіне (Қазақстан Республикасы Парламентінің Жаршысы, 2003 ж., N 7-8, 40-құжат; N 15, 139-құжат; 2004 жылғы "Егемен Қазақстан" және 2004 жылғы "Казахстанская правда" газеттерінде жарияланған "Қазақстан Республикасының кейбір заң актілеріне жедел-ізвестіру қызметі мәселелері бойынша өзгеріс пен толықтырулар енгізу туралы" Қазақстан Республикасының 2004 жылғы 9 шілдедегі Заңы):

1) 505-баптың 2-тармағы "заңдарымен" деген сөзден кейін ", өзге де нормативтік құқықтық актілермен" деген сөздермен толықтырылсын;

2) 506-баптың 3-тармағында "арнаулы атақ" деген сөздер "сыныптық шен" деген сөздермен ауыстырылсын;

3) 510-бап мынадай редакцияда жазылсын:

"510-бап. Кеден органы лауазымды адамының сыныптық шендері

1. Кеден органының лауазымды адамына атқаратын қызметіне және еңбек сіңірген жылдарына сәйкес белгіленген тәртіппен мынадай сыныптық шендер беріледі:

1) кіші басшы құрам:

кеден қызметінің кіші инспекторы;

2) орта басшы құрам:

кеден қызметінің III сыныпты инспекторы;

кеден қызметінің II сыныпты инспекторы;

кеден қызметінің I сыныпты инспекторы;

3) аға басшы құрам:

кеден қызметінің III сыныпты кеңесшісі;

кеден қызметінің II сыныпты кеңесшісі;

кеден қызметінің I сыныпты кеңесшісі.

2. Қазақстан Республикасы Үкіметінің бекіткен тізбесі бойынша сыныптық шендер кеден органдарына қойылған негізгі міндеттер мен функцияларды тікелей орындайтын кеден органдарының лауазымды адамдарына беріледі.

Кеден органдарының лауазымды адамдарына сыныптық шендер беру (айыру) тәртібі Қазақстан Республикасының Үкіметі бекітетін Қазақстан Республикасының

кеден органдарында қызмет өткеру туралы ережемен айқындалады.

3. Кеден органдарының лауазымды адамдары нысанды киіммен тегін қамтамасыз етіледі. Киім нысанының үлгілері мен айырым белгілерін, онымен қамтамасыз ету нормаларын Қазақстан Республикасының Үкіметі бекітеді. Нысанды киім кию тәртібін кеден ісі мәселелері жөніндегі уәкілетті орган белгілейді.

4. Осы баптың ережелері мамандандырылған кеден мекемелерінің басшылары мен мамандарына да қолданылады." ;

4) 511, 512, 513, 514-баптар алынып тасталсын;

5) 522-баптың 2-тармағында "арнаулы атақ" деген сөздер "сыныптық шен" деген сөздермен ауыстырылсын ;

6) 523-баптың 1-тармағының 7), 8) тармақшаларындағы "арнаулы атақ", "атақ" деген сөздер тиісінше "сыныптық шен", "шен" деген сөздермен ауыстырылсын.

3. 2003 жылғы 8 шілдедегі Қазақстан Республикасының Орман кодексіне (Қазақстан Республикасы Парламентінің Жаршысы, 2003 ж. N 16, 140-құжат):

21 - баптың 4 - тармағында :

"нысанды киім-кешекпен" деген сөздер "нысанды киіммен (погонсыз)" деген сөздермен ауыстырылсын ;

мынадай мазмұндағы екінші бөлікпен толықтырылсын:

"Нысанды киім (погонсыз) киіп жүру құқығы бар лауазымды адамдар лауазымдарының тізбесін Қазақстан Республикасының Үкіметі айқындайды. Нысанды киім (погонсыз) үлгілерін, киіп жүру тәртібін және онымен қамтамасыз ету нормаларын уәкілетті орган бекітеді."

4. "Әскери қызметшілер мен олардың отбасы мүшелерінің мәртебесі және оларды әлеуметтік қорғау туралы" Қазақстан Республикасының 1993 жылғы 20 қаңтардағы Заңына (Қазақстан Республикасы Жоғары Кеңесінің Жаршысы, 1993 ж., N 2, 32-құжат; N 18, 429-құжат; 1995 ж., N 20, 120-құжат; N 22, 133-құжат; Қазақстан Республикасы Парламентінің Жаршысы, 1997 ж., N 7, 79-құжат; 1999 ж., N 8, 247-құжат; N 23, 920-құжат; 2001 ж., N 20, 257-құжат; 2003 ж., N 15, 135-құжат):

мынадай мазмұндағы 17-1-баппен толықтырылсын:

"17-1-бап. Әскери атақ алу, нысанды киім киіп жүру құқығы 2004 жылдың 1 мамырынан бастап жойылған адамдардың құқығы мен кепілдіктері

Әскери атақ алу, нысанды киім киіп жүру құқығы 2004 жылдың 1 мамырынан бастап жойылған адамдарға олардың Қарулы Күштерде, басқа да әскерлер мен әскери құралымдарда қызмет атқарған кезеңінде осы Заңның II бөлімінің күші қолданылады."

5. "Қазақстан Республикасы Президентінің Күзет қызметі туралы" Қазақстан Республикасының 1995 жылғы 3 қазандағы Заңына (Қазақстан Республикасы Жоғары Кеңесінің Жаршысы, 1995 ж., N 19, 118-құжат; N 23, 142-құжат; Қазақстан Республикасы Парламентінің Жаршысы, 1997 ж., N 10, 108-құжат; N 12, 184, 190-құжаттар; 2001 ж., N 20, 257-құжат; 2002 ж., N 13-14, 144-құжат):

16-баптың бірінші бөлігінде:

"Республикасының" деген сөзден кейін "мемлекеттік қызмет туралы және" деген сөздермен толықтырылсын.

6. "Қазақстан Республикасының Республикалық ұланы туралы" Қазақстан Республикасының 1995 жылғы 5 желтоқсандағы Заңына (Қазақстан Республикасы Жоғары Кеңесінің Жаршысы, 1995 ж., N 22, 139-құжат; Қазақстан Республикасы Парламентінің Жаршысы, 1997 ж., N 12, 184, 190-құжаттар; 1998 ж., N 11-12, 174-құжат; N 24, 436-құжат; 2001 ж., N 20, 257-құжат; 2004 ж., N 1, 2-құжат):

6-баптың 4-тармағы "қызметі" деген сөзден кейін "Қазақстан Республикасының мемлекеттік қызмет туралы және" деген сөздермен толықтырылсын.

7. "Қазақстан Республикасының ұлттық қауіпсіздік органдары туралы" Қазақстан Республикасының 1995 жылғы 21 желтоқсандағы Заңына (Қазақстан Республикасы Жоғары Кеңесінің Жаршысы, 1995 ж., N 24, 157-құжат; Қазақстан Республикасы Парламентінің Жаршысы, 1997 ж., N 10, 108-құжат; N 12, 184-құжат; 1998 ж., N 23, 416-құжат; N 24, 436-құжат; 1999 ж., N 8, 233-құжат; N 23, 920-құжат; 2000 ж., N 3-4, 66-құжат; 2001 ж., N 20, 257-құжат; 2002 ж., N 6, 72-құжат; N 17, 155-құжат):

21-баптың 1-тармағында "Республикасының" деген сөзден кейін "мемлекеттік қызмет туралы және" деген сөздермен толықтырылсын.

8. "Прокуратура туралы" Қазақстан Республикасының 1995 жылғы 21 желтоқсандағы Заңына (Қазақстан Республикасы Жоғары Кеңесінің Жаршысы, 1995 ж., N 24, 156-құжат; Қазақстан Республикасы Парламентінің Жаршысы, 1997 ж., N 12, 184-құжат; 1998 ж., N 15, 208-құжат; 1999 ж., N 8, 247-құжат; N 21, 774-құжат; 2000 ж., N 3-4, 66-құжат; N 6, 142-құжат; 2001 ж., N 20, 257-құжат; 2002 ж., N 17, 155-құжат; 2003 ж., N 15, 139-құжат):

1) 49-баптың 1-тармағында:

бірінші бөлікте "Прокуратура органдарының" деген сөздерден кейін "алдына қойылған негізгі міндеттер мен функцияларды тікелей орындайтын прокуратура органдарының" деген сөздермен толықтырылсын;

мынадай мазмұндағы екінші бөлікпен толықтырылсын:

"Сыныптық шендер немесе әскери атақтар берілетін прокуратура органдары қызметкерлері лауазымдарының тізбесін Қазақстан Республикасының Президенті бекітеді." ;

2) мынадай мазмұндағы 55-1-баппен толықтырылсын:

"55-1-бап. Сыныптық шен немесе әскери атақ алу, нысанды киім киіп жүру құқығы 2004 жылдың 1 мамырынан бастап жойылған прокуратура органдары қызметкерлерінің құқықтық кепілдіктері

Сыныптық шен немесе әскери атақ алу, нысанды киім киіп жүру құқығы 2004

жылдың 1 мамырынан бастап жойылған прокуратура органдарының қызметкерлеріне олардың прокуратура органдарында қызмет атқарған кезеңінде осы Заңның 52, 53, 55-баптарының күші қолданылады."

9. "Өрт қауіпсіздігі туралы" Қазақстан Республикасының 1996 жылғы 22 қарашадағы Заңына (Қазақстан Республикасы Парламентінің Жаршысы, 1996 ж., N 18, 368-құжат; 1998 ж., N 23, 416 құжат; 1999 ж., N 20, 728-құжат; N 23, 931-құжат; 2000 ж., N 6, 142-құжат; 2002 ж., N 17, 155-құжат; 2003 ж., N 14, 112-құжат; N 24, 177-құжат):

1) 1 0 - 5 - б а п т а :

бірінші бөліктегі "Мемлекеттік" деген сөздің алдынан "Осы органдардың алдына қойылған негізгі міндеттер мен функцияларды тікелей атқаратын" деген сөздермен толықтырылсын;

мынадай мазмұндағы үшінші бөлікпен толықтырылсын:

"Мемлекеттік өртке қарсы қызмет органдарының арнаулы атақ берілетін лауазымды адамдары лауазымдарының тізбесін Қазақстан Республикасының Үкіметі бекітеді.";

2) мынадай мазмұндағы 10-12-баппен толықтырылсын:

"10-12-бап. Арнаулы атақтар болу, нысанды киім киіп жүру құқығы 2004 жылдың 1 мамырынан бастап жойылған адамдардың құқығы

Арнаулы атақтар болу, нысанды киім киіп жүру құқығы 2004 жылдың 1 мамырынан бастап жойылған адамдарға олардың мемлекеттік өртке қарсы қызмет органдарындағы қызметтерінің кезеңінде еңбек ақы төлеу, медициналық және санаториялық-курорттық, зейнетақымен қамтамасыз ету тәртібі, сондай-ақ ішкі істер органдары қызметкерлері үшін Қазақстан Республикасының заңнамасымен белгіленген әлеуметтік қорғау және кепілдік шарттары қолданылады."

10. "Қазақстан Республикасында азаматтардың денсаулығын сақтау туралы" Қазақстан Республикасының 1997 жылғы 19 мамырдағы Заңына (Қазақстан Республикасы Парламентінің Жаршысы, 1997 ж., N 10, 109-құжат; 1998 ж., N 14, 201-құжат; N 24, 434-құжат; 1999 ж., N 8, 247-құжат; N 23, 927-құжат; 2002 ж., N 6, 71-құжат; 2004 ж., N 2, 9-құжат):

24-бап мынадай мазмұндағы бөлікпен толықтырылсын:

"Әскери және арнаулы атақтар болу, нысанды киім киіп жүру құқығы 2004 жылдың 1 мамырынан бастап жойылған адамдарға олардың Қазақстан Республикасының әскери қызметі, ішкі істер, ұлттық қауіпсіздік, ішкі әскерлері органдарындағы қызметі кезеңінде осы баптың 1-тармағының күші қолданылады."

11. "Қазақстан Республикасында мүгедектігі бойынша, асыраушысынан айырылу жағдайы бойынша және жасына байланысты берілетін мемлекеттік әлеуметтік жәрдемақылар туралы" Қазақстан Республикасының 1997 жылғы 16 маусымдағы Заңына (Қазақстан Республикасы Парламентінің Жаршысы, 1997 ж., N 11, 154-құжат; 1999 ж., N 8, 239-құжат; N 23, 925-құжат; 2002 ж., N 6, 71-құжат; 2003 ж., N 1-2, 13-құжат):

11-баптың 3) және 4) тармақшалары, 16-баптың 4-тармағы "Қазақстан Республикасы Мемлекеттік тергеу комитетінің" деген сөздерден кейін ", арнайы атақтар берілген және, Қазақстан Республикасының заңдарымен ішкі істер органдарының қызметкерлері үшін белгіленген тәртіп қолданылатын қылмыстық-атқару жүйесі, қаржы полициясы, мемлекеттік өртке қарсы қызмет органдарының және әскери және арнаулы атақтары болу, нысанды киім-кешек киіп жүру құқығы 2004 жылдың 1 мамырынан бастап жойылған адамдарға" деген сөздермен толықтырылсын.

12. "Қазақстан Республикасында зейнетақымен қамсыздандыру туралы" Қазақстан Республикасының 1997 жылғы 20 маусымдағы Заңына (Қазақстан Республикасы Парламентінің Жаршысы, 1997 ж., N 12, 186-құжат; 1998 ж., N 24, 437-құжат; 1999 ж., N 8, 237-құжат; N 23, 925-құжат; 2001 ж., N 17-18, 245-құжат; N 20, 257-құжат; 2002 ж., N 1; 1-құжат; N 23-24, 198-құжат; 2003 ж., N 1-2, 9-құжат; N 11, 56-құжат; 2003 ж., N 15, 139-құжат; N 21-22, 160-құжат; 2004 жылғы "Егемен Қазақстан" және 2004 жылғы "Казахстанская правда" газеттерінде жарияланған "Қазақстан Республикасының кейбір заң актілеріне бухгалтерлік есепке алу және қаржылық есеп беру мәселелері бойынша өзгерістер мен толықтырулар енгізу туралы" Қазақстан Республикасының 2004 жылғы 11 маусымдағы Заңы):

мынадай мазмұндағы 66-1-баппен толықтырылсын:

"66-1-бап. Әскери және арнаулы атақтар болу, нысанды киім киіп жүру құқығы 2004 жылдың 1 мамырынан бастап жойылған адамдарды зейнетақымен қамсыздандыру

Әскери және арнаулы атақтар болу, нысанды киім киіп жүру құқығы 2004 жылдың 1 мамырынан бастап жойылған адамдарға, олардың әскери қызмет, ішкі істер, қаржы полициясында, мемлекеттік өртке қарсы қызмет, қылмыстық-атқару жүйесі органдарында атқарған қызметі кезеңінде осы Заңның 4-бөлімінің күші қолданылады."

13. "Сот приставтары туралы" Қазақстан Республикасының 1997 жылғы 7 шілдедегі Заңына (Қазақстан Республикасы Парламентінің Жаршысы, 1997 ж., 13-14, 201-құжат; 2003 ж., N 10, 49-құжат):

1-баптың 2-тармағы мынадай редакцияда жазылсын:

"2. Сот приставтарына үлгілерін атқарушылық құжаттарды орындауды қамтамасыз ету жөніндегі уәкілетті мемлекеттік орган бекітетін нысанды киім (погонсыз), куәлік және жетон беріледі."

14. "Ерекше қорғалатын табиғи аумақтар туралы" Қазақстан Республикасының 1997 жылғы 15 шілдедегі Заңына (Қазақстан Республикасы Парламентінің Жаршысы, 1997 ж., N 17-18, 215-құжат; 1999 ж., N 11, 357-құжат; 2001 ж., N 3, 20-құжат; N 24, 338-құжат; 2004 жылғы "Егемен Қазақстан" және 2004 жылғы "Казахстанская правда" газеттерінде жарияланған "Қазақстан Республикасының кейбір заң актілеріне қоршаған ортаны қорғау және ерекше қорғалатын табиғи аумақтар мәселелері бойынша

өзгерістер мен толықтырулар енгізу туралы" Қазақстан Республикасының 2004 жылғы
25 мамырдағы Заңы):

27-2-баптың 3-тармағында:

"инспекторлар" деген сөзден кейін "нысанды киіммен (погонсыз)," деген сөздермен
толықтырылсын;

мынадай мазмұндағы бөлікпен толықтырылсын:

"Лауазымды адамдар лауазымдарының тізбесін Қазақстан Республикасының
Үкіметі айқындайды. Нысанды киім (погонсыз) үлгілерін, киіп жүру тәртібін және
онымен қамтамасыз ету нормаларын уәкілетті орган бекітеді."

15. "Сот сараптамасы туралы" Қазақстан Республикасының 1997 жылғы 12
қарашадағы Заңына (Қазақстан Республикасы Парламентінің Жаршысы, 1997 ж., N 21,
276-құжат; 2000 ж., N 6, 141-құжат; 2001 ж., N 21-22, 281-құжат):

1) мынадай мазмұндағы 15-1-баппен толықтырылсын:

"15-1-бап. Сот сарапшыларының біліктілік санаттары

Сот сарапшыларына біліктілік (білім деңгейі мен мамандығы бойынша жұмыс
стажы) талаптары ескеріліп бекітілген сот сарапшылары лауазымдарының біліктілік
сипаттамалары негізінде Қазақстан Республикасының заңдарында белгіленген
тәртіппен біліктілік санаттары беріледі.";

2) 24-баптың 2-тармағында "сыныптық шені, еңбек сіңірген жылдары үшін
қосымша ақыдан" деген сөздер "біліктілік санаты, еңбек жағдайы үшін қосымша
ақыдан" деген сөздермен ауыстырылсын.

16. "Атқарушылық іс жүргізу және сот орындаушыларының мәртебесі туралы"
Қазақстан Республикасының 1998 жылғы 30 маусымдағы Заңына (Қазақстан
Республикасы Парламентінің Жаршысы, 1998 ж., N 13, 195-құжат; N 24, 436-құжат;
1999 ж., N 23, 922-құжат; 2000 ж., N 3-4, 66-құжат; N 6, 142-құжат; 2002 ж., N 17, 155-
құжат; 2003 ж., N 10, 49-құжат; N 11, 67-құжат):

83-баптың 3-тармағы мынадай редакцияда жазылсын:

"3. Сот орындаушысына қызметтік куәлік беріледі, ол үлгілерін уәкілетті орган
бекітетін жетонмен және нысанды киіммен (погонсыз) қамтамасыз етіледі."

17. "Өсімдіктер карантині туралы" Қазақстан Республикасының 1999 жылғы 11
ақпандағы Заңына (Қазақстан Республикасы Парламентінің Жаршысы, 1999 ж., N 2-3,
34-құжат; N 23, 931-құжат; 2002 ж., N 4, 30-құжат; 2003 ж., N 15, 121-құжат):

5-баптың 3-тармағының бірінші бөлігіндегі:

"және Қазақстан Республикасының заңдарында белгіленген тәртіппен нысанды
киіммен қамтамасыз етіледі" деген сөздер алынып тасталсын;

мынадай мазмұндағы сөйлеммен толықтырылсын:

"Облыстардың, республикалық маңызы бар қалалардың, астананың өсімдіктер
карантині жөніндегі бас мемлекеттік инспекторлары, облыстық, қалалық, аудандық
өсімдіктер карантині жөніндегі уәкілетті органның аумақтық органдарының

мемлекеттік инспекторлары, шекара пункттері мен шекарадағы бекеттердің өсімдік карантині жөніндегі мемлекеттік инспекторлары өсімдіктер карантині бойынша бақылауды тікелей жүзеге асыру кезінде нысанды киім (погонсыз) киюге, айырым белгілерді, жетондарды тағуға құқылы.";

мынадай мазмұндағы екінші бөлікпен толықтырылсын:

"Лауазымды адамдар лауазымдарының тізбесін Қазақстан Республикасының Үкіметі айқындайды. Нысанды киім (погонсыз) үлгілерін, киіп жүру тәртібін және онымен қамтамасыз ету нормаларын уәкілетті орган бекітеді."

18. "Қазақстан Республикасындағы арнаулы мемлекеттік жәрдемақы туралы" Қазақстан Республикасының 1999 жылғы 5 сәуірдегі Заңына (Қазақстан Республикасы Парламентінің Жаршысы, 1999 ж., N 8, 238-құжат; N 23, 925-құжат; 2000 ж., N 23, 411-құжат; 2001 ж., N 2, 14-құжат; 2002 ж., N 6, 71-құжат):

1) 4-баптың 3) тармақшасы "ішкі істер органдары қызметкерлерінің отбасылары" деген сөздердің алдынан ", Қазақстан Республикасының бұрынғы Мемлекеттік тергеу комитетінің, қылмыстық-атқару жүйесі, қаржы полициясы, мемлекеттік өртке қарсы қызмет органдарының және 2004 жылғы 1 мамырдан бастап әскери және арнаулы атақтар болу, нысанды киім киіп жүру құқығы жойылған адамдардың" деген сөздермен толықтырылсын;

2) 7-баптың 6) тармақшасы "әскери қызметшілердің" деген сөздерден кейін ", Қазақстан Республикасының бұрынғы Мемлекеттік тергеу комитетінің, қылмыстық-атқару жүйесі, қаржы полициясы, мемлекеттік өртке қарсы қызмет органдарының және 2004 жылғы 1 мамырдан бастап әскери және арнаулы атақтар болу, нысанды киім киіп жүру құқығы жойылған адамдардың" деген сөздермен толықтырылсын.

19. "Темір жол көлігі туралы" Қазақстан Республикасының 2001 жылғы 8 желтоқсандағы Заңына (Қазақстан Республикасы Парламентінің Жаршысы, 2001 ж., N 23, 315-құжат; 2003 ж., N 10, 54-құжат; 2004 жылғы "Егемен Қазақстан" және 2004 жылғы "Казахстанская правда" газеттерінде жарияланған "Қазақстан Республикасының кейбір заң актілеріне темір жол көлігі мәселелері бойынша өзгерістер мен толықтырулар енгізу туралы" Қазақстан Республикасының 2004 жылғы 9 шілдедегі Заңы) :

1) 14 - бапта :

1-тармақ мынадай мазмұндағы 15-1) тармақшамен толықтырылсын:

"15-1) нысанды киім (погонсыз) киіп жүруге құқығы бар темір жол көлігінде мемлекеттік бақылау қызметкерлері лауазымдарының (кәсіптерінің) тізбесін бекіту";

2-тармақтың 5) тармақшасындағы "және нысанды киім киіп жүруге құқығы бар темір жол көлігі қызметкерлері лауазымдарының (кәсіптерінің) тізбесін" деген сөздер алынып тасталсын;

2) 32-баптың 1-тармағы мынадай мазмұндағы екінші бөлікпен толықтырылсын:

"Тексеруді жүзеге асыру кезінде уәкілетті органның лауазымды адамдары белгіленген үлгідегі нысанды киімде (погонсыз) болуы, қызметтік куәлігі болуға тиіс."

20. "Сауда мақсатында теңізде жүзу туралы" Қазақстан Республикасының 2002 жылғы 17 қаңтардағы Заңына (Қазақстан Республикасы Парламентінің Жаршысы, 2002 ж., N 2, 16 - құжат) :

4 - б а п т а :

2-тармақтың 11) тармақшасында :

"нысанды киім" деген сөздерден кейін "(погонсыз)" деген сөзбен толықтырылсын; ", нысандар үлгілері мен айырым белгілерін, нысанды киім киіп жүру тәртібін және қамтамасыз ету нормаларын" деген сөздер алынып тасталсын;

3-тармақтың 12) тармақшасы мынадай редакцияда жазылсын:

"12) нысанды киім (погонсыз) үлгілері мен айырым белгілерін, нысанды киім (погонсыз) киіп жүру тәртібін және онымен қамтамасыз ету нормаларын бекіту;"

21. "Әділет органдары туралы" Қазақстан Республикасының 2002 жылғы 18 наурыздағы Заңына (Қазақстан Республикасы Парламентінің Жаршысы, 2002 ж., N 6, 67 - құжат) :

1) 7-баптың 2-тармағының 5) тармақшасы "атақтар" деген сөзден кейін "және біліктілік санаттарын" деген сөздермен толықтырылсын.

2) 27 - б а п т а :

1-тармақ "Әділет министрлігінің" деген сөздерден кейін "осы салада әділет органдарының алдына қойылған негізгі міндеттер мен функцияларды тікелей орындайтын" деген сөздермен толықтырылсын;

2-тармақ мынадай мазмұндағы екінші бөлікпен толықтырылсын:

"Осындай қызметкерлер лауазымдарының тізбесін Қазақстан Республикасының Үкіметі айқындайды."

22. "Қазақстан Республикасының қаржы полициясы органдары туралы" Қазақстан Республикасының 2002 жылғы 4 шілдедегі Заңына (Қазақстан Республикасы Парламентінің Жаршысы, 2002 ж., N 13-14, 145-құжат):

1) 17-баптың 1-тармағында :

"Қаржы полициясы органдарының" деген сөздерден кейін "алдына қойылған негізгі міндеттер мен функцияларды тікелей орындайтын қаржы полициясы органдарының" деген сөздермен толықтырылсын;

5) тармақшаның үшінші абзацы алынып тасталсын; мынадай мазмұндағы 3-тармақпен толықтырылсын:

"3. Арнаулы атақ берілетін қаржы полициясы органдарының қызметкерлері лауазымдарының тізбесін Қазақстан Республикасының Үкіметі бекітеді;"

2) мынадай мазмұндағы 22-1-баппен толықтырылсын:

"22-1-бап. Арнаулы атақтар болу, нысанды киім киіп жүру құқығы 2004 жылғы 1 мамырдан бастап жойылған адамдардың құқығы

Арнаулы атақтар болу, нысанды киім киіп жүру құқығы 2004 жылғы 1 мамырдан бастап жойылған адамдарға қаржы полициясы органдарындағы қызметі кезеңінде осы Заңның 18-бабының 4-тармағын қоспағанда, осы Заңның 6-тарауының күші қолданылады."

23. "Ветеринария туралы" Қазақстан Республикасының 2002 жылғы 10 шілдедегі Заңына (Қазақстан Республикасы Парламентінің Жаршысы, 2002 ж., N 15, 148-құжат):

20 - б а п т ы ң 6 - т а р м а ғ ы н д а :

"ветеринариялық рәміздері бар арнаулы киім" деген сөздер "нысанды киім (погонсыз)" деген сөздермен ауыстырылсын;

мынадай мазмұндағы екінші бөлікпен толықтырылсын:

"Нысанды киім (погонсыз) киіп жүруге құқығы бар қызметкерлердің тізбесін Қазақстан Республикасының Үкіметі айқындайды. Нысанды киім (погонсыз) үлгілерін, киіп жүру тәртібін және онымен қамтамасыз ету нормаларын уәкілетті орган бекітеді."

24. "Автомобиль көлігі туралы" Қазақстан Республикасының 2003 жылғы 4 шілдедегі Заңына (Қазақстан Республикасы Парламентінің Жаршысы, 2003 ж., N 15, 134 - құжат) :

1) 12-бап мынадай мазмұндағы 8-1) тармақшамен толықтырылсын:

"8-1) автомобиль көлігі саласында мемлекеттік бақылауды жүзеге асыратын, погонсыз нысанды киім киіп жүруге құқығы бар уәкілетті органның лауазымды адамдары лауазымдарының тізбесін бекітеді;"

2) 15-баптың 3-тармағы мынадай редакцияда жазылсын:

"3. Уәкілетті органның лауазымды адамдары автомобиль көлігі саласында мемлекеттік бақылауды жүзеге асыру кезінде нысанды киімде (погонсыз), қызметтік куәлігі болуы тиіс. Нысанды киім (погонсыз) үлгілерін, нөмірлі кеуде белгілерін, қызметтік куәлікті уәкілетті орган бекітеді."

25. Қазақстан Республикасы Президентінің "Қазақстан Республикасының әуе кеңістігін пайдалану және авиация қызметі туралы" 1995 жылғы 20 желтоқсандағы N 2697 Заң күші бар Жарлығына (Қазақстан Республикасы Жоғары Кеңесінің Жаршысы, 1995 ж., N 23, 148-құжат; Қазақстан Республикасы Парламентінің Жаршысы, 2001 ж., N 23, 321-құжат; N 24, 8-құжат; 2002 ж., N 15, 147-құжат; 2003 ж., N 10, 54-құжат):

7-бап мынадай мазмұндағы бөліктермен толықтырылсын:

"Азаматтық және эксперименттік авиация қызметіне мемлекеттік бақылауды жүзеге асыратын уәкілетті органның қызметкерлері қызметтік міндеттерін орындау кезінде үлгілерін және беру тәртібін уәкілетті орган бекітетін айырым белгілері бар нысанды киімде (погонсыз) болуы тиіс.

Уәкілетті органның нысанды киім (погонсыз) киіп жүру құқығы бар лауазымды адамдар лауазымдарының тізбесін Қазақстан Республикасының Үкіметі бекітеді."

26. Қазақстан Республикасы Президентінің "Қазақстан Республикасының ішкі істер органдары туралы" 1995 жылғы 21 желтоқсандағы N 2707 Заң күші бар Жарлығына (

Қазақстан Республикасы Жоғары Кеңесінің Жаршысы, 1995 ж., N 23, 154-құжат; Қазақстан Республикасы Парламентінің Жаршысы, 1997 ж., N 7, 79-құжат; N 12, 184-құжат; 1998 ж., N 17-18, 225-құжат; N 23, 416-құжат; N 24, 436-құжат; 1999 ж., N 8, 233, 247-құжаттар; N 23, 920-құжат; 2000 ж., N 3-4, 66-құжат; 2001 ж., N 13-14, 174-құжат; N 17-18, 245-құжат; N 20, 257-құжат; N 23, 309-құжат; 2002 ж., N 17, 155-құжат; 2003 ж . . , N 1 2 , 8 2 - қ ұ ж а т) :

1) 20-бап мынадай мазмұндағы 2-1-тармақпен толықтырылсын:

"2-1. Ішкі істер органдарының алдына қойылған негізгі міндеттер мен функцияларды тікелей орындайтын ішкі істер органдарының қызметкерлеріне арнаулы атақтар және нысанды киім кию құқығы беріледі.

Ішкі істер органдарының арнаулы атақ берілетін лауазымды адамдары лауазымдарының тізбесін Қазақстан Республикасының Үкіметі бекітеді.";

2) мынадай мазмұндағы 32-1-баппен толықтырылсын:

"32-1-бап. Арнаулы атақтар болу, нысанды киім киіп жүру құқығы 2004 жылдың 1 мамырынан бастап жойылған адамдардың құқығы

Арнаулы атақтар болу, нысанды киім киіп жүру құқығы 2004 жылдың 1 мамырынан бастап жойылған адамдарға, олардың ішкі істер органдарында қызмет атқарған кезеңінде осы Жарлықтың 26-бабының 4-тармағын қоспағанда, осы Жарлықтың 6-тарауының күші қолданылады.";

2-бап. Кемінде 20 жыл қызмет еткен, әскери және арнаулы атақтар болу, нысанды киім киіп жүру құқығы 2004 жылғы 1 мамырдан бастап жойылған адамдар әскери қызметті және аттестацияланған лауазымдардағы ішкі істер, қылмыстық-атқару жүйесі, қаржы полициясы, мемлекеттік өртке қарсы қызмет органдарындағы қызметті өткеруді аяқтауға құқығы бар.

3-бап. Осы Заң 2004 жылдың 1 мамырынан бастап қолданысқа енгізіледі.

Қ а з а қ с т а н Р е с п у б л и к а с ы н ы ң

Президенті